

丁鶴年詩集

四明張氏約園開雕

序

余嘗謂五七言詩至唐爲極盛及元代乃成尾響衰久復盛清代諸君子又重振厥緒然往往喜言元詩如黃蕘圃顧澗齋之於鶴年集搜求校訂相互矜寵今集中所附題詞諸什可覆按也鶴年姓丁氏以字行原爲西域人其行誼載見烏氏春草齋集以殊方絕域之產轉徙中土遂攘臂崛起與當時羣公狎主騷壇不可謂非難能可貴者惜遭際坎坷所嘗荼苦人所不堪而至性悱惻憂而不怨哀而不傷猶有小雅之遺意則於元詩

丁鶴年集序

一四明叢書

約園刊本

人中爲尤罕觀宜乎黃顧諸公重之若此也今題詞中淵齋五言一首列首唱其詞云西域詩人集傳於至正年諸兄咸附錄高弟各分編時下哀思淚亦隨方外緣須知海巢序只說武昌前余最服此詩之精洽賅實所謂包舉無遺者也次以蕘圃一詩足考見鶴年行實夏方米次韻詩則尋常誦唱耳然亦可考見黃顧二公當時搜求細校之實是卽所謂三益聯吟冊子也余以鶴年嘗流寓吾鄉與吾鄉人頗多誦唱今尙載見集中昔杲堂謝山先後輯甬上耆舊詩并錄及流寓諸公因援

是例校刊此書入四明叢書增烏氏傳文一首列卷端
以備知人考世之助且以見孝子之生平云民國二十
三年九月後學張壽鏞序

丁鶴年集序

二四明叢書
一初國刊本

四庫全書提要

丁鶴年集一卷

元丁鶴年撰鶴年字亦曰鶴年蓋用孟浩然字浩然例也色目人本世家子遭亂不求仕宦篤尚志操兼以孝聞烏斯道戴良爲作傳皆以申屠蟠擬之元亡避地四明後歸老武昌山中明史文苑傳附見戴良傳末其詩本名海巢集此本題丁鶴年先生集不知何人所編末附見鶴年長兄浙東僉事都元帥吉雅摩迪音原作吉雅謨丁今改詩九首次兄翰林應奉阿里沙詩三首又鶴年表

丁鶴年集提要

一四明叢書
約園刊本

兄樊川吳惟善詩五首亦不知何人所續入也鶴年既絕意於功名惟覃思吟詠故所得頗深尤長於五七言近體往往沈鬱頓挫逼近古人無元季纖靡之習至順帝北狩以後興亡之感一託於詩俳惻纏綿眷眷然不忘故國瞿宗吉歸田詩話所稱行蹤不異臬東徙心事惟隨雁北飛及逃禪室與蘇生話舊一篇可以知其素志宗吉又稱其梧桐竹軒詩謂其時作者已滿卷此詩一出皆爲斂衽今考其詩中二聯堆砌無味徒以起二句用鳳凰事以棲梧桐食竹實關合末二句用蔡邕事以

焦尾桐柯亭竹關合頗爲工巧耳以是求鶴年之詩失
之遠矣

丁鶴年集

提要

一

四明叢書
約園刊本

題丁鶴年集呈堯圃政

得年字禁押本事
時嘉慶乙未四月

顧廣圻稿

西域詩人集傳於至正年諸兄咸附錄高弟各分編時
下哀思淚亦隨方外緣須知海巢序只說武昌前

次澗蒼韻題元本丁鶴年集

堯圃黃丕烈草

元代詩名盛涵濡近百年

用戴序語

流風傳絕域吟稿見遺

編鶴年集以
此爲最善

廬墓全親孝居山謝世緣石田鴈門集美

不擅於前

叔能以伯庸天錫輩爲比今余藏元人諸集
如元刻之馬石田舊鈔之薩鴈門皆稱善本

丁鶴年集題詞

一四明叢書
約園刊本

得此可云濟
美故以爲擬

次澗蒼韻題堯圃新得元刻丁鶴年集

夏文燾草

明代重刊本云題正統年名因文苑重傳入史臣編一

過眞空選

用堯圃
跋語

三長合有緣

三長謂石田鴈門集及
此書也堯圃有結翰墨

緣圖章緣
字本此

後來定居上祕笈勝從前

堯圃云舊有明本
藏諸笈久矣曾取

此手校知
不如遠甚

右三益聯吟冊中題元本丁鶴年詩也此集爲澗蒼歲
試玉峯時收而後以歸余者故仿校宋本建康寶錄例

潤贊爲首唱而余次之方米最後者因余兩人唱和時
方米挈徒小試玉峯歸後繼和故也限年字而禁用本
事者亦冊中例也此書破損不堪觸手重付裝池并錄
三詩於卷首以見題書紀事一時賓主之歡有如是也
蕘圃跋

再賦丁鶴年集一首

得丁字仍
禁本事

廣圻稿

搜不從架下首葉已殘零我自一知己人殊不識丁收

藏誠有數呵護豈無靈別具區區意茲爲隗始寧

時蕘
圃命

丁鶴年集 題詞

二 四明叢書
約圃刊本

某賈爲玉峯
續訪之役

次澗贊韻

蕘圃黃丕烈

重觀裝潢舊旋風葉未零圖章宜置甲部次恰居丁我

願希千頃君交託九靈訪書情正切寤寐想難寧

時玉
峯書

難傳聞有舊刻大戴禮澗
贊欲與余買舟往訪也

同蕘圃次韻

方米夏燾

莫嗟相見晚全帙未奇零他日誇黃甲

二字借用蕘圃
將輯書目此元

刻元人集
例入甲等今朝笑白丁

用澗贊詩押
丁字句意

受嗤遭目拙特賞

恆心靈得隴休重望教君五藏寧

蕘圃所續訪大戴禮
已採得是明板矣

中春月余得宋刻千金方同人相約題詩紀事限孫字而禁用真人本姓自後因書而賦者悉用是例矣初澗齋得此書重爲元刻詩以紀事擬用丁字畏其難而改用年字卷端三首是也昨澗齋自家至書塾袖出一詩謂向所爲難者今反見巧矣所押丁字果稱巧絕遂借方米次和時命工用也是翁所用旋風葉裝潢法裝之事旣竣卽就副葉界烏絲闌書其上披覽之餘亦頗快目書中哀思集重第六葉續集闕第八葉重第十二葉總計七十七葉每葉邊楷書細字筆墨亦古雅澗齋謂

丁鶴年集 題詞

三四明叢書

約園刊本

是明人書余亦絕愛之故并及云

哀思當作方外

薨圖

鶴年先生詩集序

昔者成周之興肇自西北西北之詩見之於國風者僅自幽秦而止幽秦之外王化之所不及民俗之所不通固不得繫之列國矣我元受命亦由西北而興西北諸國若回回吐蕃康里畏吾兒也里可溫唐兀之屬往往率先臣順奉職稱藩其沐浴休光霑被寵澤與京國內臣無少異積之既久文軌日同而子若孫遂皆舍弓馬而事詩書至其以詩名世則貫公雲石馬公伯庸薩公天錫余公廷心其人也論者以馬公之詩似商隱貫公

鶴年海集序

一西明叢書

約園刊本

薩公之詩似長吉而余公之詩則與陰鏗何遜齊驅而並駕他如高公彥敬獲公子山達公兼善雅公正卿聶公古柏幹公克莊魯公至道三公廷圭輩亦皆清新俊拔成一家言此數公者皆居西北之遠國其去幽秦蓋不知其幾千萬里而其爲詩乃有中國古作者之遺風亦足以見我朝王化之大行民俗之丕變雖成周之盛莫及也鶴年亦西北人其視數公差後起家世以勳業著而鶴年兄弟俱業儒伯氏之登進士第者三人鶴年乃泊然無意於仕進遭時兵亂逃隱海上邈不與世接

凡幽憂憤悶悲哀痛苦之情一於詩焉發之觀其古體
歌行諸作要皆清麗可喜而注意之深用工之至尤在
於五七言律但一篇之作一語之出皆所以寓夫憂國
愛君之心愍亂思治之意讀之使人感憤激烈不知涕
泗之橫流也蓋其措辭命意多出杜子美而音節格調
則又兼得我朝諸閣老之所長故其入人之深感人之
妙有非它詩人之所可及嗚呼若鶴年者豈向數公之
流亞歟然數公之在當時皆達而在上者也世之士子
孰不膾炙其言辭鶴年遭天氣運之適衰方獨退處遐

鶴年海集序

二四明叢書
約園刊本

溷而爲所謂窮者之詩以自慰其能知夫注意之深用
工之至者幾何人哉知與不知在鶴年未足輕重第以
祖宗涵煦百年之久致使遐方絕域之詩俱得繫之天
子之國而鶴年之所以著明王化民俗之盛以與數公
並傳於斯世者將遂混無聞矣不亦重可悲夫故取其
吟藁若干卷序而傳之以俟世之知鶴年者相與諷詠
焉耳鶴年之清節峻行已別有傳茲不著至正甲午秋
九靈山人金華戴良序

高士傳

戴良撰

嗚呼甚矣哉高節之士爲難遇也易稱君子之道或出或處或語或默夫捐生以行化者知進而不能退嫉世以矯情者知往而不能返二者各得其道之一偏惡觀所謂中哉孔子曰不得中行而與之必也狂狷乎狂者又不可得欲得不屑不潔之士而與之是狷也是又其次也孔子居周之世而其言如此況世變多故君子道消之時乎於斯之時責士以必中而不過則天下爲無士矣君子之於人也樂成其美而不求其備况蹈義乘

丁鶴年傳

一四明叢書

約園刊本

方蟬蛻塵埃之表時固難遇其人乎吾之有取於鶴年有以也哉有以也哉作高士傳

鶴年西域人也曾祖阿老丁與弟烏馬兒皆元初巨商當世祖皇帝徇地西土軍餉不繼遂杖策軍門盡以其資歸焉仍數從征討下西北諸國如拉朽廷論以功授官阿老丁年老不願仕時賜田宅畱京奉朝請烏馬兒擢某道宣慰使其後招降吐蕃有大功遂自宣慰拜甘肅行中書左丞祖苦思丁由北晉王從官起家累官至臨江路達魯花赤政尙寬仁民懷其德父職馬祿丁輕

財重義盡取祖父遺資賑諸親故之不足及他士之貧者然性尙豪邁雅不喜榮名年四十始應野憐眞丞相辟主臨州縣簿以治行高等陞武昌縣達魯花赤有惠政解官之日父老爲築種德之堂請曰吾縣蓋公之鄉願畱居毋去武昌公亦愛其土俗異他處遂家焉生子五人而鶴年最幼武昌公死時鶴年年甫十二已屹然如成人其俗素短喪所禁止者獨酒鶴年以爲非古制乃服斬衰三年仍八年不應酒家有遺資悉推與諸兒不畱一錢自遺也武昌公在時以鶴年儻類己甚

鍾愛昇蔭從父桓州職鶴年亦辭謝不敢有惟益厲志爲學清苦自將與寒賤士等或曰汝貴家子不效祖父爲官人顧乃過自矯激如此鶴年曰吾宗固貴顯然以文學知名於世者恆少吾欲奮身爲儒生豈碌碌龔先蔭苟取祿位而已邪鄉之諸儒長者以其年幼而有志多樂教之年十七而通詩書禮三經豫章周懷孝楚大儒時寓武昌執經問難者比肩立然獨器重鶴年且欲同歸豫章而妻以愛女鶴年以母老諸兄皆官千里外無他兄弟備養辭不行母聞而遣之鶴年曰人之所

以爲學者學爲孝耳今舍晨昏之養而從師遠遊人其謂斯何明年淮兵渡江襲武昌鶴年奉母夫人以行所在艱阻三閱月始達鎮江菽水不給雖傭販賤業騎射卑職皆趨爲之不問及夫人捐館舍鶴年哀毀盡癯鹽酪不入口者五年於是浙以西日入於亂鶴年聞從兄吉雅謨丁避地越江上徒步往依焉時江南行御史臺移治茲郡大夫拜住公鶴年父友也雅知鶴年卽辟爲從事御史迭烈圖禿滿迭兒亦舉校官余觀胡普顏帖木兒安慶舉孝廉鶴年痛祿之不逮養也俱不應浙東

廉訪僉事都堅不花延致鶴年於家俾諸子師事之且刻薦入館閣薦章未出而宵逝南臺大夫沙藍答兒公被召還朝思得文儒之士以備其諮訪復以從事辟之江西閩海二道肅政府又以其省儒學提舉薦皆陳悃以辭毅然不一就鶴年與吉雅謨丁甚友愛吉雅謨丁掾南臺時欲以利祿勉鶴年鶴年去不顧後以直言忤權要謫遷江右道里梗塞僕隸皆憚行鶴年乃獨衝寒雪冒險途千里從之後還越宿畱四明或旅食海鄉爲童子師或寄居僧舍賣藥以自給雖久處艱瘁泊如也

通政院判伍實督運海上自負才氣見賓客不爲禮而獨賢鶴年虛左迎至邸鶴年當隆冬弊衣不掩脛伍欲解衣衣之畏其清介言欲發而中止鶴年當困苦時人有濟之者雖餽粥之費無所受然行橐稍裕每好赴人之急人之享其惠者蓋數數然也時兵戈四起鶴年益逃匿海島絕其迹已而海上多盜鶴年轉徙無常大抵皆明之境內明當方氏之盛幕府頗待士士之至者踵接鶴年獨逡巡遠避門無一迹慈谿縣尹陳麟號稱賢令四方士大夫多依之鶴年居是邑數載未嘗覩其面

丁鶴年集

傳

四四明叢書

約園刊本

鶴年天質穎悟讀書過目輒成誦善詩歌而尤工於唐律爲文章有氣至於算數導引方藥之說亦靡不旁習然專以躬行爲學非其食不食非其衣不衣重然諾尙氣節人或有失雖尊盛必盡言以告已有過雖少賤者規之必斂衽聽受見人一善稱之不容口卽不善未嘗言然性頗褊隘於物少容因自謂曰凡爲清士當以廉爲主義爲輔和爲衛三者備庶可免於今之世矣由是德益脩而行益勵有東漢高士之遺風員外郎馬子英不妄許可人嘗曰吾友多矣可託妻子者惟鶴年一人

世以爲知言

贊曰昔申屠蟠居父憂哀毀過禮不進酒肉者十餘年
家貧傭工自給郡召爲主簿不行隱居梁碭以經學自
娛至今想其爲人猶凜凜有生氣鶴年執親之喪有過
無弗及而閒關亂世利祿不行至其爲學博覽經史而
本於躬行雖蟠何以加諸詩曰高山仰止景行行止又
曰維其有之是以似之其鶴年之謂乎

丁孝子傳

烏斯道

丁孝子名鶴年字鶴年西域人也性狷介窮經博史尤工於詩自其祖入中夏世爲顯官父職馬祿丁公官武昌縣最長有善政歿而就葬武昌後兵亂鶴年倉卒奉母夫人走南徐世父家生母馮氏先匿邑之東村東村首難竟阻絕莫之知也餘十載母夫人歿鶴年又避地明之定海聞父墓嘗爲盜發掘生母又病死葬洪道鄉日夕憂悸且卻絕酒肉鹽酪示自貶又二十載道日通卽告牒還武昌至則別竈地樊山窆父棺卜日襄事日

丁鶴年集傳

一四明叢書
約園刊本

已迨而淋雨十日不止鶴年先一日拜雨中願翼日雨止半日終事族至質明密雲雖四塞雨則強不澍也及發引視窆而反雨傾瀉如故已而訪生母葬地村聚中村聚自兵後草莽極目父老皆淪喪閒有存者又轉徙他地故母之葬地漫不省何所自秋至冬徧詢之終莫有知者鶴年無以措意惟作母主蚤暮拜至七日夜夢母氏出高堂中鶴年遽牽母衣慟哭以慟卽寤晨起鄰老楊重者至云吾昨夜夢子之母氏堂宇閒自內出以酒肉見賜與三人同食飲內一人不御也鶴年以夢母

氏與鄰老同所夢堂宇皆在舊業之西又同夢之又同
斯母葬地映兆誠可於荒土物色之因具畚鍤偕往徘徊
顧視見平陸上有陷下者鶴年意謂吾聞母葬時無
棺椁下輾土磚上覆敗舟板人與板腐盡乃爾茲殆可
啓而觀歟遂陳肉酒以祭祭畢劬其土骨果見板僅有
松節土磚亦具良在是矣然恐他墓偶有同者復嚙指
血骨上試之良久收去血骨通變茜色可驗母一齒當
正中如漆視之亦驗時四人同往享祭餘鶴年未嘗入
口正與鄰老夢無少異爽乃收骨棺斂葬是鄉慈母王
氏墓在寒溪塘併加封樹鶴年就廬於父墓將終其身
論曰子盡孝於父母固當至感夫幽冥涉至難而不變
者非孝誠之至不能也予考史冊方多古而少今孰謂
鶴年屹然處乎頑薄之中爲古今之所獨也彼幽冥者
且足以感之顧不能感諸人歟

鶴年海巢集卷一

海濱避兵
時所作

門人四明戴 稷編次

五言古詩

採蓮曲

採蓮復採蓮仍唱採蓮曲若欲知苦心須食蓮中肉
採蓮復採蓮踟躕一何久不愁花妒容維恐刺傷手
採蓮復採蓮藕亦不可棄中有不斷絲似妾纏繆意
採蓮復採蓮爭如採荷好花謝葉獨存團圓以終老
採蓮復採蓮湖水清且深徒能照妾面不能照妾心

丁鶴年集

卷一

四明叢書
約圖在木

又

蓮開花覆水蓮謝藕在泥不學青萍葉隨波東復西
朝採並替蓮暮縮同心結不學綠楊枝含嚙送離別

又

蓮舟何處來同聚南湖口郎憐波上花妾愛泥中藕
藕有清白節花有豔冶容郎心異妾心三歎掩歸篷

長嘯篇

惟遠度可量惟暗燭可照丈夫窮達際安可以逆料區

區井觀天擾擾管窺豹眾論徒沸騰誰能領其要韓信
出跨下市井皆哄笑范睢置廁中醉客更相溺一朝佐
秦漢將相無同調聲名六合馳事業九天耀平生怨與
恩歷歷加顯報以馬飼故人以尉乞惡少是非姑置之
獨立發長嘯

輓倪仲權處士

維鄞有高士乃居城北門伯叔列茅土弟昆羅搢紳先
生視富貴蔑若行空雲蕭然坐一室詩書日討論忠信
化閭里孝友敦親姻用茲以歿世人亡道彌尊我昔客
東海託交見天真皤皤金石義藹藹骨肉恩豈意隔生
死相思勞夢魂尙憐靈鳳毛符彩備五珍每過話疇昔
相對淚沾巾我悲匪兒女所感在斯文

悼亡

別時如玉人歸來死生隔日暮泣孤墳音容杳難得惟
餘墳上草猶帶羅裙色

湖上曲二首

鴛鴦湖中飛還向湖中落不比薄情人天涯并海角
汀鷺映湖波清白兩無媿立盡風雨寒頗爲口腹累

七言古詩

送月侍郎定江瀾賦稅還大都

代杭州父老作

戈甲三邊靜車書四海同時平
尙文治策士明光宮龍沙公子清
且美玉立芙蓉照秋水前席才名賈誼賢
出關氣概終軍偉恭捧帝符臨下方卿雲五色分天章
星軺小駐武林驛炎海六月生清涼宣朝廷德意問閭閻
疾苦遊民亦占籍編戶悉按堵力役均平賦斂輕
去者謳歌來鼓舞觀風采諸乃使之職任賢使能惟

帝之德目擊盛事豈容緘默乃歌曰生逢舜日當堯天

丁鶴年集

卷一

三四明樓書

約園刊本

經營內外皆英賢八十衰翁百無補茅簷擊壤歌豐年

題餘姚葉敬常州判海隄卷補先兄太守遺缺

陰霓夜吼風雨急坤維震蕩玄溟立桑田變海人爲魚

葉侯詠天天爲泣侯奉天罰誅妖霓下平水土安羣黎

嶙峋老骨不堪朽化作姚江捍海隄海隄蜿蜒如削壁

橫截狂瀾三萬尺隄內耕桑隄外漁民物欣欣始生息

潮頭月落啼早鴉柴門半啓臨漚沙柳根白舫賣魚市

花底青帘沽酒家花柳村村各按堵世變侯仙倏成古

侯雖已矣遺愛存時聽叢祠咽簫鼓人生何必九鼎漿

廟食貴有千載名君不聞一杯河水決瓠子沈馬親勤
漢皇祀又不聞一帶江波泛蜀都刻犀厭勝秦人憑江
平河塞世猶駭何況堂堂障滄海論功不啻濟川才砥
柱南東千萬載嗚呼只今四海俱橫流平地風波沈九
州蒼生引領望援溺州縣有官非葉侯州縣有官非葉
侯禦災誰復憂民憂

贈戴原正

戴生眼如電讀書夜忘眠清晨盥櫛罷起居慈母前母
身康寧子心喜讀書還向書帷裏綴文調膳秋復春鳳
凰符彩翳虞仁天心一回四海平治明堂掄材清廟需
器棟梁瑚璉寧汝棄

離鸞篇爲四明孟善祖母祝節婦賦

孤鳳病且死聘鸞以爲偶引頸嗚嗚託其後鸞對以臆
肯以首惡鳥啄其雛飄風撼其巢伏育補葺鸞不辭勞
雖日以長能反哺巢日以廣多牖戶天錫壽考旣和且
平每一對鏡猶復悲鳴始終德義俱無媿乃知鸞鳳所
以爲世瑞

胡節婦詩

一自失良人年年不見春常時折花處青苔滿行路卽
今垂老百事非篋中惟有嫁時衣姑終養子成立望夫
羞勝山頭石

樂節婦詩

荼蓼未爲苦薑桂未爲辛纍纍辛苦者無若未亡人欲
隨世苟活生則同室死同槨欲殉夫並殂阿婆方老兒
方孤朝養姑暮教子泉下良人猶不死

五言律詩

送四兄往杭後寄

丁鶴年集卷一

五四明叢書
約園刊本

臨別強言笑獨歸情轉哀離魂淒欲斷孤抱鬱難開太
守隄邊柳徵君宅畔梅過逢如見憶煩寄一枝來

逃禪室臥病柬諸禪侶

高秋多病客古寺寄黃昏野迴常疑虎天寒早閉門離
愁鐙下影鄉淚枕邊痕賴有諸禪侶情親似弟兄

汨汨

汨汨在塵埃鶴懷不暫開病將顏玉去愁送鬢絲來招
隱慙高蹈扶顛乏大才行藏成兩失回首有餘哀

次烏繼善先生見寄韻

扶杖日行吟悠然太古心風雲遺壯氣山水效清音大雅消沈久斯文感慨深幸瞻喬梓在奕葉盡成陰

輓柴吏目

奕世蓮花幕人稱漢吏師都緣參贊重頗覺轉遷遲雅論非三語清聲是四知猶餘前案牘長作後箴規

輓定海章處士

處士晚年好道

流年驚逝水世事逐飄風卜築鄰蓬島移家類葛洪丹還金鼎伏劒解玉棺空惟有松壇月通霄貫彩虹

輓修竹處士

丁鶴年集卷一

六四明叢書

約園刊本

種竹人何在鄉鄰久未忘冰霜餘節操雲錦見文章散帙依朝爽移樽坐夕涼兒孫皆玉立尤足繼遺芳

五言排律

太守兄階下新竹數竿秀色鬱然可愛索予賦詩敬製長律一十八韻

楚楚新移竹脩脩已出林渭川元接葉淇水本聯陰旣
忝軒墀重應蒙雨露深芝蘭方並植荆棘敢相侵有荷
栽培力無慙變化心長身龍天矯密羽翠蕭森委砌風
飄錦飾庭日布金奇材仲連箭雅韻伯牙琴歎乃歌頻

度平安問每臨風雲今自飽冰雪舊能任豈獨松梅友
仍多草木欽琅玕擊使節玳瑁合朋簪直可扶衰老貞
堪載古今釣鼇期大用引鳳壓羣音詞客題詩到幽人
載酒尋煙旌朝冉冉月燾夜沈沈展席臨秋水鉤簾對
夕岑清風驅酷暑一爲豁煩襟

七言律詩

奇胡敬文縣尹胡遂初真人海上漕舟北邊得應
奉兄家書云湖廣親舊兵後僅餘二公感而賦詩
以寄

丁鶴年集卷一

七四明叢書

約園刊本

湖北衣冠鵠士林十年兵革盡消沈崑岡火後餘雙壁
錦里書回抵萬金烏趨朝天闕近霓裳度曲月宮深
誰知海上垂綸者去國長懸萬里心

奉寄表兄白畱守兼呈楊廉使

白髮先朝舊從臣懸車徧看五湖春養恬高節矜持重
優老濃恩拜奉頻每有緇黃談幻化可無朱紫問經綸
座中不遇楊開府肯把平生對客陳

送進士都堅不花出宰三山

龍沙公子龍頭客錦繡胸襟玉雪顏一日蜚英驚四海

九天承寵宰三山花前封印青春醉槐下鳴琴白晝閒
守令近民勤

聖念早須報政五雲間

觀太守兄昌國勸農

東臯風日媚新晴太守躬耕曉出城
裊裊雙旌穿柳過
蕭蕭五馬踏花行
扶藜父老陪諸訪
騎竹兒童主送迎
豈意兵荒南北徧
化行滄海獨昇平

頌曆

腐儒避地海東偏
鳳曆頒春下九天
載拜帝堯新正朔

丁鶴年集

卷一

八

四明叢書

約園刊

永懷神禹舊山川廟堂久託君臣契
藩閩兼操將相權
只在忠良勤翊戴
萬方行覩至元年

勉戴玄學

才名籍甚冠時髦
愛爾青年氣獨豪
千里共誇騏驥足
九苞爭覩鳳凰毛
月中把桂雲生履
天上看花日映袍
宦達每由稽古力
夜窗鐙火莫辭勞

贈陳章甫

少年仗劍遊京國
豪氣崢嶸歷五陵
柳綠御溝春飲馬
草黃上苑曉呼鷹
日邊冠蓋人人識
雪後舟航處處乘

白首歸來尋舊隱高談驚座羨君能

寄西湖林一貞先生

錦繡湖山世絕稀東風不放賞心違芙蓉楊柳臨清淺
佛剎仙宮繞翠微畫舫載春天上坐紫駟馱醉月中歸
高情獨有林和靖門掩晴空看鶴飛

鄞江館送潘允章歸天台定省

從師久客鄞江館重憶庭闈問起居五彩早成萊子服
一經今授伏生書落花芳草春停騎斜日孤雲暮倚闌
暫爾南歸仍北上萬言敷奏玉階除

丁鶴年集

卷一

九四明叢書

約園刊本

次韻奉答張撫軍二首

先公昔鎮西南日幾拜殊恩出御筵桃李門牆賓客盛
芝蘭庭砌子孫賢百年遺愛齊民服一代鴻勳信史編
最是撫軍能接武挑燈夜讀十三篇

堂堂雄略靖三邊疊疊清談動四筵夜月轅門嚴士卒
春風幕府集才賢詩宗李杜元無敵書法孫吳每自編
白首栖栖江海客遠煩馳寄錦雲篇

寄張廷言

千里關河阻重兵兩煩書札見深情故人我久知張祿

處士時多忌，福衡閱世正當思。
豹變出關何必待，雞鳴莫嗟才大難。
爲用天運行，將返治平。

送人歸故園

故園聞道已休兵，客裏那堪送客行。
老去別懷殊作惡，亂餘歸計倍關情。
孤村月落羣雞叫，絕塞天清一鴈橫。
到日所親如見問，浪遊江海負平生。

次韻奉答東軒居士

珠玉新詩照士林，長城寧畏短兵侵。
春雲有態時時變，秋水無痕岸岸深。
洛下才名推獨步，越中山水喜重臨。

丁鶴年集

卷一

十四明叢書

約園刊本

別來歲晚偏相憶，誰折梅花慰渴心。

丙午十一月二十四日夜夢回書事

抱病經時不出門，存亡一一念諸昆。
兵戈隨處斷消息，風雨終宵勞夢魂。
竹下題詩雲起視，花前度曲月當樽。
每因舊事增新感，獨對寒鐙拭淚痕。

海巢

海上巢居海若降，三山眼底小如缸。
日攀若木爲華表，更立樽桑作翠幢。
蛟室夜光晴燭戶，蜃樓秋影冷涵窗。
鷓鴣夢斷無因到，唯有同棲鶴一雙。

太守兄見遺紙帳仍贈以詩次韻奉謝

湘娥翦水霜刀勻虛室生白無纖氛壺中但覺風雨隔
敲裏豈知天地分蟾光夜明楮葉露蝶夢春繞梨花雲
恍然置我銀世界縱有瓊瑤難報君

鶴年弟盡棄紈綺故習清心學道特遺楮帳資其
澹泊之好仍侑以詩

附

誰擣霜藤萬杵勻製成鶴帳隔塵氛香生蘆絮秋將
老夢熟梅花夜未分枕上不迷巫峽雨牀頭長對剡
谿雲竹鑪松火茶煙煖一段清貞盡屬君

丁鶴年集卷一

十一四明叢書

約園刊本

渡鄞江後記寄陸時敏陳可立

小艇橫江捷似飛故人凝睇送將歸過山殘照明紗帽
渡水浮雲亂芰衣沙鳥渚禽同泛泛岸花汀草各依依
風塵來往慙經濟擬著漁蓑坐釣磯

五言絕句

題畫梅二首

松筠掩雨雪桃李逐風塵不有梅花樹誰回天地春
鐵石挺孤杓冰霜抱貞素一笑桃李空嗟哉歲云暮

將歸武昌題長江萬里圖二首

長江千萬里何處是儂鄉忽見晴川樹依稀認蕩陽
長嘯還江國遲回別海鄉春草如有意相送過潯陽

七言絕句

讀鄭家規

每病漢民歌布粟忍聞秦俗德稷鋤鄭家九葉猶同爨
風化今知古不如

題梅花扇面寄五十僉憲

憶向西湖踏早春萬花如玉月如銀一枝照影臨清淺
滿面冰霜似故人

丁鶴年集

卷一

十二四明叢書

約園刊本

題族兄馬子英進士梅花

池館春深看牡丹五陵車馬隘長安誰知凜凜冰霜際
卻是梅花守歲寒

題族兄馬子英進士竹石嘉樹圖

翠實可充丹鳳食喬枝仍待早鶯遷一拳蒼蘚荒秋雨
惆悵無人解補天

題表兄饗景初院中新竹

景初故咸陽王
饗典赤孫也

雙玉亭亭出粉牆便添風月入吟觴會看直上三千尺
截簡先書異姓王

贈表兄賽景初

蕭條門巷舊王孫旋寫黃庭換綠樽富貴儻來還自去
只留清氣在乾坤

雨窗宴坐與表兄論作詩寫字之法

南窗薄暮雨如絲茗盃薰鑪共論詩天趣悠然人意表

忘言相對坐多時

琤按元本鑪作爐今訂正

蠅頭小楷寫烏絲字字鍾王盡可師忽悟庖犧初畫象
工夫元不在臨池

題顧仲贇先生南山遺藁後

丁鶴年集卷一

十三四明叢書
約圖刊本

玄豹無心守九關日隨霧雨隱南山莫嗟遺鞞同羊犬
猶託文章見一斑

題林泉野趣圖

清江白石帶疏林樊口幽居尚可尋
夢裏草堂無恙在秋風春雨總關心

鶴年哀思集卷第二

海濱避兵一時所作

門人四明戴習編次

五言古詩

歲晏百憂集二首

歲晏百憂集獨坐彈鳴琴琴聲久不諧何以怡我心拂
衣出門去荆棘當道深還歸茅屋底抱膝粲父吟
歲晏百憂集擊筑發商歌商歌未終調淚下如懸河故
鄉渺何許北斗南嵯峨有家不可歸無家將奈何

奉懷九盤先生就次其畱別舊韻二首

丁鶴年集卷一

一四明叢書

約園刊本

晴霞麗層霄淑景媚清曙冉冉草際煙盈盈花上露幽
禽何處來飛鳴入庭樹不見心所親坐待停雲度
攀桂月扶疏撫松雲陸離豈無淡蕩懷亦有幽貞期何
緣對清景孤坐度芳時故人不可見新交非所知

秋葉

淥水出紅葉清麗世無比旭日照新妝盈盈明鏡裏亦
有後時者悽然抱孤藥欲開風露寒寂寂含香死

七言古詩

黃鶴樓

半空金碧何代樓仙人鶴駕曾一遊雕檻看雲楚山曉
珠簾捲月湘江秋樓前雲月長無恙禰賦崔詩角清壯
西風忽動庾公塵仙人仍歸九天上

植楞軒爲天台吳處士賦

徂徠蒼松榦嶧陽孤桐枝矯矯臥龍節娟娟棲鳳姿桐
中琴瑟松棟梁采之斲之生輝光明堂清廟卽登用回
首故山雲路長鳳凰不來龍亦去楞散當軒承雨露

五言律詩

病衰

丁鶴年集卷一

一四明叢書

納園刊本

病骨秋增痛衰容日減華臉霞憐竹葉鬢雪如菱花往
事嗟何及歸程望轉賒少年歌舞地此日屬誰家

輓唐都事

十年滄海上辛苦贊戎機帷幄籌雖在轅門事已非黃
金從百鍊白璧竟全歸生死俱無恨千秋仰德輝

五言排律

逃禪室述懷十六韻

出處兩茫然低徊每自憐本無經國術仍乏買山錢故
邑三千里他鄉二十年力微歸計杳身遠客心懸桃李

誰家樹禾麻傍舍田鶉衣秋屢結蝸室歲頻遷逝水終
難復寒灰更不然久要成齟齬多病復沈縣俯仰衷情
倦棲遲野性便延徐誰下榻訪戴獨同船恥灑窮途泣
閒修淨土緣談玄分上下味道悉中邊有相皆虛妄無
才幸苟全棲雲同白鹿飲露效玄蟬高蹈慚真隱狂歌
媿昔賢惟餘空念在山寺日逃禪

題蕪湖辛順中西圃卷

坐閱桑田變歸爲菽水謀聊從西圃隱少慰北堂憂汲
月滄江曉鋤雲沃野秋新蔬和雨摘碩果帶霜收嘉樹

丁鶴年集卷一

三四明徵書
約園刊本

巢烏烏閒庭下白鷗管寧金不顧季路米應求千載誰
同調東陵有故侯

七言律詩

脫太師

淮海重聞斧鉞臨一時士庶盡傾心雷霆聲播天威遠
霖雨恩添帝澤深暗室有蠅汙白璧明廷無像鑄黃金
風塵未息英雄死坐對江山慨古今

延按明刻像作
象蓋古無像字

靳公子

中朝公子多才俊滿灑風塵獨靳侯白鴈久無天上信

黑貂漸弊雪中裘，虛堂簾影遲遲晝。別館鐙光淡淡秋，到手深杯須劇飲。醉鄉消得古今愁。

瑛按明刻
辨作敵

故宮人

粉愁香怨不勝情，強整殘妝對老兵。別殿金蓮餘故步，後庭玉樹變新聲。眼穿鴈字雲連塞，夢斷羊車月滿城。天上桃開王母去，世人誰識許飛瓊。

別帽

雲樣飄蕭月樣圓，百年雄麗壓南冠。黃金綴頂攢文羽，白璧垂纓閒木難。刺繡尙期平敵壘，簪花曾夢舞仙壇。

丁卯年集卷一

四四明叢書

約園刊本

一從吹墮西風裏，誰念蒙塵白髮寒。

元夕

鐙火樓臺錦繡筵，誰家簫鼓夜喧闐。光移星斗天逾近，影倒山河月正圓。金鎖開關明似晝，銅壺傳漏迴如年。五雲不奏霓裳曲，空使揚州望眼穿。

雪後泛東湖

雪後湖山玉作圍，小舟乘興弄清輝。貪看月裏鸞回舞，不覺風前鶴退飛。雲母屏空春闋寂，水晶宮冷晚霏微。仙家一笑乾坤老，誰馭瑤池八駿歸。

題鳳浦方氏梧竹軒

鳴鳥曾聞此地過至今梧竹滿丘阿政懷翦葉書周史
卻恨翻枝入楚歌金井月明秋影薄石壇風細晚涼多
中郎去後知音少共負奇材柰老何

題戴先生九靈山房圖

九靈別業何年到聊作新圖寄所思幽谷白雲晴窈窕
高齋翠樹曉參差輞川已入王維畫章曲曾傳杜甫詩
咫尺相望成萬里臥遊心事許誰知

二靈寺守歲

丁鶴年集 卷一

五四明叢書
約園刊本

守歲山房迴絕緣燈光香炷共蕭然無人更獻椒花頌
有客同參柏子禪已悟化城非樂界不知今夕是何年
憂心悄悄渾忘寐坐待扶桑日麗天

元旦寄朝真宮諸道侶

窮陰殘臘喜全消淑景新正覺倍饒一氣輓春回厚軸
五雲扶日麗層霄媚時久厭銀幡巧卜歲深期玉燭調
最愛羣仙持絳節朝真不憚九天遙

暮春感懷二首

杜宇聲聲喚客愁故園何處此登樓落花飛絮成春夢

賸水殘山異昔遊，歌扇多情明月在。舞衣無迹綵雲收。
東皇去後韶華盡，老圃寒香別有秋。

四十無聞嬾慢身，放情丘壑任天真。悠悠往事杯中物，
赫赫時名扇外塵。短策看雲松寺晚，疏簾聽雨草堂春。
山花水鳥皆知已，百遍相過不厭貧。

奉寄王宣慰兼呈九靈先生

別館新成足宴遊，珊珊環珮總名流。獨推南郭爲高士，
共識東陵是故侯。天上鶯花三月夢，人間風雨五更愁。
行藏盡付浮雲外，爛醉豐年黍稌秋。

丁鶴年集卷二

山八四明叢書

約園刊本

奉寄九靈先生四首

挾海懷山謁紫宸，擬將忠孝報君親。忽從華表聞遼鶴，
卻抱遺經泣魯麟。喪亂行藏心似鐵，蹉跎勩業鬢如銀。
萬言椽筆今無用，閒向林泉紀逸民。

先生嘗爲
予作傳

花柳村村接海濱，攜家隨處避風塵。衣冠栗里猶存晉，
雞犬桃源久絕秦。對坐青山渾不厭，忘機白鳥自相親。
也知出處關時運，豈但逃名效隱淪。

早將長策靖三邊，晚抱孤忠守一廛。出處久推張翰達，
登臨重覺謝安賢。煙霞丘壑龍山屐，風月汀洲鳳浦船。

東望三神纔咫尺不妨來往挾飛仙

龍山風濤皆海濱地名

清泉白石兩翛然仙隱何妨日似年頗厭文章妨大道
卻從奇偶翫先天雲閒犬舐燒丹鼎雨裏龍耕種玉田
終歲不聞城府事閉門閒著養生篇

寄定海故將軍邵公輔

往事浮雲杳莫攀壯懷未展鬢先斑不聞奉使通銀漢
空見將軍老玉關故壘荒涼千騎盡滄溟浩蕩一鷗閒
風塵隨處嚴訶止愁殺田閒夜獵還

逃禪室與蘇伊舉話舊有感

丁鶴年集卷一

七四明叢書
紉園刊本

不學揚雄事草玄且隨蘇晉暫逃禪無錐可卓香巖地
有杵難攀杞國天謾詫丹霞燒木佛誰憐清露泣銅仙
茫茫東海皆魚鼈何處堪容魯仲連

寄餘姚滑伯仁先生

獨木橋邊薛荔門全家移住水雲村猿聲專夜丹山靜
蜃氣橫秋碧海昏詩卷自書新甲子藥壺別貯小乾坤
陶漁耕稼遺風在差勝桃源長子孫

寄餘姚宋無逸先生

餘姚有舜江夏山漢
劉使君樊夫人仙迹

龍泉城外絕巒喧寄傲全勝在漆園獨對江山懷舜禹

每憑風月問劉樊，行窩醞酒花園席。野寺題詩竹滿軒，回首崑岡空劫火。深期十襲保瑛璠。

雨中寄澗河楊彥常先生

山中長夏苦淫雨，暫爾出門還不能。九天馭日力已竭，兩地看雲愁倍增。憐君畏途久作客，笑我淨土常依僧。相思倚柱發清嘯，旁人不解谷空磨。

贈全真李止水

止水故成順王門人也

玄元孫子玄都客，汗漫長遊宇宙閒。黃鶴白雲迷鄂渚，青牛紫氣滿函關。袖中寶劍雌雄合，鼎內金丹大小還。不見吹笙王子晉，秋來幾度候緱山。

勞勞

閭闔排雲事已休，勞勞猶恥爲身謀。數莖白髮未爲老，一寸丹心都是愁。燕代地高山北峙，荆揚天闊水東流。英雄已去空形勝，劍氣中宵射斗牛。

兀兀

數莖白髮鏡中新，兀兀窮年媿此身。萬里雲霄雙倦羽，千尋江海一窮鱗。望鄉薄暮憑西日，去國中宵禮北辰。客路漸遙身漸老，此生何以報君親。

題太守兄遺藁後二首

太守兄死事之明年於故篋中得其遺詩一卷
伏讀之次不知涕泗之橫流也敬題二詩於後
以紀哀思云

海國期年政化成肩輿隨處看春耕正欣雞犬無驚擾
詎意鯨鯢有鬪爭遙島月明虛燕寢故人雲冷失佳城
夢回佳句難重得腸斷池塘草又生

黑風吹海浪如山獨跨長鯨去不還身世雲煙遊物外
文章奎壁照人間彤庭朝朔雙鳧遠五馬行春綠野閒

丁鶴年集

卷一

九四明叢書

約園刊本

老我急難餘淚在一回無卷一潺湲

吳按明刻五馬二字與綠野互換

逃禪室臥病有懷故鄉柬諸友生

謀生失計倍淒涼扶病將歸自激昂那得金丹生羽翼
只將鐵石作肝腸日長獨臥維摩室歲晚全荒陸氏莊
幸際諸公各當道應思孤客久迷方

兵後還武昌二首

避亂移家大海隈楚雲湘月首頻回歸期實誤王孫草
遠信虛憑驛使梅天地無情時屢改江山有待我重來
白頭哀怨知多少欲賦慙無庾信才

亂定還家兩鬢蒼
物情人事總堪傷
西風古冢遊狐兔
落日荒郊臥虎狼
五柳久非陶令宅
百花今豈杜陵莊
舊遊回首都成夢
獨數殘更坐夜長

夢得先妣墓

己未夏五月還武昌遷葬兵後陵谷變遷先妣
封樹竟迷所在久尋不得露禱大雪中冬十一
月廿日夜忽感異夢翼日遂得其處賦詩一首
以紀歲月云

慈顏幽翳杳難知
風雪孤村徧訪之
極浦空江泥滑滑

丁鶴年集

卷一

十四明叢書

約園刊本

荒岡斷壠冢纍纍
那知恍惚魂歸夜
正是呼號淚盡時
孝格皇天吾豈敢
聊同烏鳥報恩私

過九江追悼李子威太守

瓣香遙拜九江城
太守精誠日月明
叔姪並歸忠義傳
江山不盡古今情
潮回溢浦聲猶怒
雲起爐峯氣未平
生死總魁天下士
丈夫端不負科名

哭陣亡仲兄烈瞻萬戶

獨騎鐵馬突重圍
斬將擎旗疾似飛
金虎分符開幕府
玉龍橫劍衛邦畿
委身徇國心方盡
裹革還鄉願竟違

病臥滄江憐弱弟看雲徒有淚霑衣

奉懷先師豫章周孝思先生

先生有道負清時經濟何由見設施白水青山聊自適
光風霽月復誰知出塵標格三株樹瑞世文章五色芝
鳴鳥不聞人亦去生芻一束起遐思

七言排律五首

告牒還武昌遷葬上明州太守茶子俊

漢江東抱楚山流先壠猶餘土一抔廟冷桐鄉書舊逝
田荒粟里子孫愁兵戈隔夢三千里霜露傷心二十秋

丁鶴年集卷一

十一四明叢書

約園刊本

荒隧天寒烏鳥下空林日落白狐遊碑焚斷石經時變
盃出遺金有夜偷過客尙知來下馬仙翁誰復指眠牛
擬從樊口遷京口遙別沙頭下石頭高士束芻思致奠
故人惠麥久維舟已知多病垂垂老敢爲長貧故故留
爲政幸逢宗正恕申情當念子平憂劬勞罔報生何益
存歿沾恩死必酬願及清明三月節一盂麥飯灑松楸

告牒還武昌省墓投贈鍾經歷

潁川家世少游車大府從容贊畫餘泛水依蓮饒勝賞
飲冰啖檠富清譽高談賓幕風生席退食公庭月照閣

最愛小胥勤吏牘更逢太守重詩書登樓望海吟懷遠
拄笏看山雅度舒藥籠參苓隨選擇花谿桃李藉吹噓
殊方有客飄零久先隴無人拜埽疏化筆久推公道在
況曾同食武昌魚

吳按潁川
當作潁川

守墓陳情上武昌太守傅藻

蕭蕭五馬駕雙旌太守承

恩下 玉京氣概浮雲蒸華嶽胸襟弱水浸蓬瀛擁經
東出辭 儲館分竹西來鎮鄂城地轉陽春蘇赤子天
回霖雨濟蒼生埽除積弊文書簡慰藉羣情賦斂輕每

丁鶴年集卷一

十一四明叢書

約園刊本

以哀矜存愷悌還從擿發見神明笑談頓息清河指
顧潛消渤海兵已喜箕裘傳傳說行看車馬賜桓榮閭
閭有學皆興起畎畝無田不播耕縣榻每因高士下清
樽多爲上賓傾過山問俗雲生屐出郭劭農雨溼纓月
滿南樓揮塵坐花明北榭引車行題詩每擬招崔顥作
賦何曾厭禰衡感化屢聞虓虎渡忘機不使狎鷗驚滿
門桃李新陰暖徧野桑麻晚色晴汗簡定應書善政口
碑先已播賢聲肯憐倦客垂青盼特爲明公寫素誠作
縣前人書上考登科後裔廁羣英亂離一去榮華盡契

闊重來坎壈嬰豈爲尊羹思故里敬將夢復瀟先坐陶
潛柳盡家何在潘岳花殘邑屢更鶴髮遺民供祀事龜
跌斷碣載題名獨歸華表叮嚀語誰顧盟車俛仰嗚往
事易成蕉鹿夢舊遊難覓黍雞盟履殘濡露心逾苦目
斷停雲淚更橫已幸玄堂新改厝猶慙丙舍未經營名
隨版籍遙編越身戀松楸重去荆存歿離魂同慘慘往
還孤影復熒熒敢方王粲依劉表竊冀興宗念子平爲
政古來先孝悌願伸人子未伸情

過安慶追悼余文貞公

丁鶴年集

卷一

十三國明叢書

約園刊本

將軍匹馬入舒城擊賊頻煩訓義兵孝以保家忠徇國
竅而出戰散歸耕圍倂月暈全無隙捷振天威大有聲
游說飛書徒聞謀輸誠伏節愈堅貞雲梯屢卻妖氛豁
露布交馳殺氣平千里荆揚憑保障七年淮海賴澄清
山深楔獠殲還出江闊鯨鯢斬更橫外援內儲俱斷絕
裹瘡飲血獨支撐天昏苦霧埋營壘日落陰風卷旆旌
甘與張巡爲癘鬼肯同王衍誤蒼生三千將士皆從死
百二山河亦繼傾靜對風霆思號令遙從箕尾識精神
頌碑不媿詞臣色哀詔偏傷

聖主情願爲執鞭生不遂臨風三酹重沾纓

珽按精神
明刻精誠

讀應奉兄登科記愴然傷懷因成八韻

射策彤庭被寵榮遺編三復若爲情重傷趙璧經時毀
翻恨隋珠徹夜明洪範有書傳太乙佳城無郭葬長庚
靑雲路斷甘淪沒碧海塵飛苦變更自信爲臣當委質
誰能向賊更求生家貧寡弱遺妻子道遠存亡隔弟兄
一旦音容成永訣十年涕淚鎖交橫茫茫原隰無求處
獨立長風送鴈聲

五言絕句

丁鶴年集卷一

十四四明叢書

約同刊本

題天柱山圖

拔翠五雲中擎天不計功誰能凌絕頂看取日升東

畫蟬

飲露身何潔吟風韻更長斜陽千萬樹無處避螳螂

畫古木幽篁

碧海珊瑚樹清湘翡翠毛無因將寄遠日暮寸心勞

畫葡萄

江海春雷動羣龍悉上天秋來風露冷箇箇抱珠眠

題江亭柳色圖有懷故人劉庸道

昔年醜酒地江漢一茅亭同會人何在東風柳又青

先兄太守死事之十有七年於故史董文中家見

所題竹詩因雪涕謹次其韻

玉筍謝朝班西風海國寒無人知苦節落日下長安

兩過蛟龍起風生翡翠寒但存清節在日日是平安

右畫竹元德爲文中題

七言絕句

敬書

宸翰後

丁鶴年集卷二

十五四明叢書
約園刊本

神龍歸臥北溟波愁絕陰山敕勒歌惟有遺珠光奪月

萬年醜得照山河

題蕩郎天馬圖

春明立仗氣如山顧盼俄空十二閑一去瑤池消息斷

西風吹影落人間

題桃源圖

放舟長怪武陵人強覓桃花洞裏春若使仙源通一綫

如何避得虎狼秦

暮春二首

楊花榆莢攬晴空上界春歸下界同
蜂蝶紛紛竟何在
獨畱杜宇怨殘紅

一夕春歸徧九垓
千紅萬紫委塵埃
韶光淑氣逡巡退
暑雨炎風爛熳來

題畫

江樹青紅江草黃
好山不斷楚天長
雲中樓觀無人住
只有秋聲送夕陽

題萬歲山翫月圖

金銀樓觀鬱嵯峨
琪樹風涼秋漸多
徙倚危欄倍惆悵

丁鶴年集卷二

十六四明叢書

約園刊本

月中猶見舊山河

題故人毛楚哲所畫葡萄

西域葡萄事已非
故人揮灑出天機
碧雲涼令驪龍睡
拾得遺珠月下歸

榮枯

春意方酣紅杏藥
秋聲又戰碧梧枝
野人不識天官曆
坐閱榮枯紀歲時

鶴年哀思集卷第二

鶴年方外集卷第三

編次

五言古詩

贈劉全真

峨峨崆峒山去天不盈尺西挹弱水流東挂扶桑日中
有學仙人眉白雙眼碧餐霞衣雲霧凝神鍊精魄癡龍
及猛虎視之如蟻蝨功成朝紫皇名隸丹臺籍幡然汗
漫遊飛行隘八極滄海重揚塵蟠桃幾結實天上與地
下俯仰成陳迹歸來斂衽坐倒卷入冥寂萬象吾肺腑
四氣吾噓吸乃知大還資不離嬰兒質蚩蚩世閒人斷
喪良可惜

觀鄭高士坐圖

疑身危石踞屏息遊絲搖電光射玄關龍虎聲咆哮天
君寂不動萬象俱來朝甘露降瓊田五色發靈苗何必
入青冥然後爲逍遙

風泉清聽詩爲文極禪師賦

幽棲空谷中石室如懸磬坐閱造化機動靜互相勝風
生萬籟隨雨過百泉應蕭蕭亂疏鐘泠泠隱清磬虎嘯

山月昏龍吟海波靜上人謝聲塵悠然入深定喧寂兩
俱忘是乃名真聽

白雲精舍詩爲諸暨口上人賦

白雲何處來油然在巖岫下有古精藍凌雲起華構吐
吞金碧輝隱見林泉秀常從護法龍低接噴香獸覺花
映益明忍草滋逾茂高僧亦無心怡悅坐清晝安得乘
長風徧界陰涼覆法雨澤羣生普使躋仁壽

七言古詩

環翠樓歌

丁鶴年集

卷三

一四明叢書
約園刊本

大山摩穹霄小山翻洪濤或翔丹穴鳳或舞寒江蛟奔
騰起伏奇觀不可狀雲錦屏風金碧障中有仙家太古
壇烏啼花發春自閒子晉鸞笙乘月過王喬鳧鳥凌雲
還環翠樓開紫霞裏更揖雞峯朝舜水千巖秀色傍窗
浮萬壑濤聲從座起煙消日出天溶溶玉壺倒插金芙
蓉鉤簾相對坐長夏灑然冰雪生心胸君不見天台嵯
峨四萬八千丈若非颯車羽輪那得上又不見終南盤
互中原五百里天梯雲樓懸絕那可履何如羽人高居
環翠樓調笑日月輕公侯仙韶靈響每坐聽日觀霞城

時臥遊還丹鍊就顏如玉讀書學道日不足琅函金檢
五千言錦帙牙籤三萬軸星爲冠兮霓爲裳或騖麒麟
翳鳳凰翩翩上遊白雲鄉手把絳節朝紫皇鈞天九奏
賜霞觴醉乘冷風還下方眼空四海小八荒層樓樓眞
壽而昌此名此境孰敢當藍山道士身姓梁

贈玄漠鍊師

神仙中人毛外史方瞳深碧虬髯紫了知大道本無爲
況是谷神元不死偶因救旱驅玄溟倒瀉銀漢如建瓴
功成不居拂衣去洞庭渺渺君山青

丁鶴年集

卷三

三四明叢書
約園刊本

武昌送僧淨皓書童正思所作詩序後

童郎豪爽士生平少許可獨於皓上人珠璣發咳唾上
人學法英妙年參徧諸方文字禪鐵鞵踏破石頭路教
外方知別有傳童郎我同道上人我同鄉相逢江上折
官柳離思悠悠江水長

五言律詩

寓慈湖僧舍次龍子高提舉韻

迢遞過蘭若淹留爲竹林疏鐘雲嶠迴孤竹雨窗深長
嘯非懷昔狂歌豈避今祇緣諸漏盡不受一塵侵

慈谿報國寺度夏寄雨東椿上人

一徑野雲深僧關綠陰雨腥龍出澗風勁虎過林澹
泊資禪味清涼養道心三生如不昧石上一來尋

涵清軒爲慈谿懋上人賦

止水纔盈掬涵空有底寬玉壺秋影淨金鏡曉光寒落
月斜沈白流霞淺浴丹上人方宴坐應向觀中看

贈李仙姑

何年萼綠華來降地仙家花擁青鸞節香隨白鹿車清
輝回雪月玄想結雲霞不赴瑤池宴桃開幾度花

于鶴年集卷三

四四明鏡譜

約園刊本

五言排律

送武昌鐵佛寺盟長老還襄陽

盟居襄陽父死方在殯遇亂奉母逃難江南餘
三十年嘗典藏鑰於蔣山主武昌鐵佛寺而重
興之及今道路旣通乃奉母北歸而葬其父喪
士大夫以爲方外所未有咸作詩文美之鶴年
因製五言排律二十韻以附其卷末云

襄漢揚波日江湖避地時行行隨老母處處禮名師雲
水元無住風塵信所之睦州勤奉養江革備艱危字鑰

鍾山下傳鐙鄂渚湄贖翻龍藏典幾詠鶴樓詩深慨叢
林廢真成一木支銅仙頻閱世鐵佛重開基法几雕文
貝靈幡刺綵絲雲鐘晨縹渺月殿夜參差已悟無生法
還興罔極悲他鄉流徙遠先壟牽遷遲瀕洞今方息旋
歸故可期望雲雙淚瀉計日寸心馳官柳催飛錫曇花
俏莫儀旣明埋玉理豈是繫珠癡定應眠牛兆毋生觸
鹿疑春暉憐舊綫秋露薦新祠生死俱無憾諸方起孝
思

送鐵佛寺益公了庵朝京遊浙

丁鶴年集卷三

五四明叢書

約園刊本

世尊出西域教化極東土大道本無爲盛德人所慕只
今滅度二千年授經弟子如親傳我生嬾僻苦貪佛或
謂三生有勝緣武昌鐵佛古名刹兵燹薦臻孰承之益
公崛起振宗風至味啗人如嚼蠟相逢一笑卽相親下
榻東軒忘主賓熏鑪茗盃坐清夜從容輒語溫如春曉
來別我朝

京國短策輕包適吳越吳越山水天下奇寶坊舍利皆
人傑公今參訪必遇人六根一掃無纖塵錢唐潮音華
頂月獨露堂堂見本真從此平生大事畢頓覺身心樂

無極踢翻大海水逆流半夜中天出紅日我有故人偕
中雄不遠千里來詩筒煩公問訊向何處說法今畱兜
率官

七言律詩

題昌國普陀寺二首

神鼇屹立戴崔嵬俯瞰滄溟水一杯積翠自天開
布金隨地起樓臺祈靈漢使乘槎到傳法胡僧折葦來
若使祖龍知勝概豈應驅石訪蓬萊

一從劫火起燕然宇內名山悉變遷古刹獨存龍伯國

十鶴集卷三

六四明叢書

約園刊本

豐碑猶記兔兒年三更日浴咸池水八月潮吞渤海天
雲漢靈槎如可御便應長往問羣仙

寄見心長老二首

時陞住靈隱

豫章老子最能文禪海詞林總逸羣弧矢機鋒天下避
圭璋聲價日邊聞畫長經閣繙新鈔歲晚詩壇策勳
自古靈山名勝地幾多龍象望慈雲

上方借榻動經春道義交情久更親
絛器每憐司馬病卓錫不厭仰山貧
茶煙隔座論文夜花雨霑筵聽法晨

一自天香通鼻觀六根無處著纖塵

師號天香老人

秋夜宿定水寺天香閣有懷見心長老

寂寂雙峯映澗流重來託宿敞雲樓窗涵虛白三更月
簾捲空青一色秋頗有豪情酬勝賞可無奇句入冥搜
天風開徧巖前桂誰爲蒸香寄澹遊

寄昌國濟汝舟長老

先兄太守嘗題詩於其方丈

西江禪伯任東溟境接蓬萊地最靈浙水秋濤浮座白
扶桑朝影拂簷青已無鶴近雲閒錫祇有龍聽月下經
李白騎鯨天上去題詩誰復扣巖扃

寓奉化寄菩提寺主

丁鶴年集卷三

七四明叢書約圖刊本

菩提嶺外空王寺丹磴行穿虎豹羣萬壑濤聲巖下瀑
千峯雨氣屋頭雲海龍送水金瓶貯天女懷香寶鼎焚
慙媿無緣塵土客朝朝鐘鼓下方聞

奉寄恕中韞禪師

曾向名山識異人心如木石氣如春坐禪霜葉秋埋膝
行道天花日繞身有鉢相傳元是幻無錐可卓本非貧
惟餘潭底中秋月對寫龍峯面目真

時留龍峯傳燈

寄龍門海禪師

子自海東初回龍門嘗招予人社故有還家鶴之喻

曾向龍門俯急流泰山如垓海如瀝學仙漫比還家鶴

作佛須看露地牛，遠岫孤雲歸薄暮。
澄潭一月印新秋，葛川舊有三生約。
擬策枯藤到上頭。

寄東湖澹天淵長老伯仲

平湖一鑑涵空明，千巖照影羣峯晴。
慈雲或將花雨過，幽泉盡學松濤鳴。
清猿對戶忽長嘯，老鶴下階時獨行。
何人最得此中趣，無著天親好弟兄。

送鐙聲外侍者還定水寺

侍者乃見心長老入室高弟

行者還山修白業，何須門外問三車。
微塵有相皆成幻，天道無歧直到家。
月滿秋巖收桂子，雪消春澗采蒲芽。

丁鶴年集卷三

八四明叢書

約園刊本

阿師弘教人，獅子佇見傳衣後。
代誇

寺有天香室蒲庵故云

送信立庵長老住靈巖寺

寺即吳王避暑宮池山，中古迹有香徑硯池涵

空閣

上人駐錫靈巖寺，正是諸天聽法時。
日下幡幢朝旆旒，雲閒鐘鼓晝遲遲。
殘紅掩冉迷香徑，空翠溟濛落硯池。
不盡平生懷古意，涵空閣上一題詩。

題東湖青山寺古鼎銘長老鍾秀閣

手開樓閣貯羣經，面對湖山衛百靈。
玉鏡夜寒通沆瀣，翠屏秋淨倒空青。
避煙鶴起簷閒樹，行雨龍歸几上瓶。

我亦逃禪雲水客便應蕭散共松扃

題濬天淵長老二靈山房

在東湖

寶刹憑虛戶牖開羣峯北走水南回六鼈夜涌金銀闕
九鳳朝翔紫翠堆日靜雲閒飛錫下月明天上渡杯來
談玄每就巖房宿最愛三車有辯才

澹然軒爲慈谿上人賦

寂寂禪扃掩晝陰阿師道味此中深一塵不涉冰霜操
萬境俱空木月心駐屐寒香生小徑捲簾秋色上疏林
莫愁客至無清供玄酒盈樽好共斟

丁鶴年集卷三

九國明鏡書

約園刊本

悠然軒爲慈谿上人賦

香消靜室定回時真趣忘言祇自知雲淡風輕天蕩蕩
鷗飛魚躍晝遲遲傳來西竺元無法坐對南山或有詩
不是淵明來入社百年誰與共襟期

清勝軒爲姑蘇閩上人賦

繞屋松杉手自栽重陰長日護蒼苔一谿窈窕花閒入
三徑參差竹下開夜半霜鐘寧假筵秋深月鏡本無臺
主人定起焚香坐何處扁舟棹雪來

些子景爲平江韞上人賦

尺樹盆池曲檻前老禪清興擬林泉氣吞渤澥波盈掬
勢壓崆峒石一拳彷彿煙霞生隙地分明日月在壺天
旁人莫訝胸襟隘豪髮從來立大千

半村詩爲姑蘇信立庵禪師賦

庵居背郭稱疏慵道韻清孤野趣濃花徑縈回通小市
竹窗窈窕納遙峯五更風遞嚴城角半夜霜清古寺鐘
昨日鄰翁告東作四郊春雨起降龍

雲石詩爲貞長老賦

坐石看雲絕百非空山終歲澹相依臥龍春暖潛爐氣
伏虎年深不振威已向諸天陳瑞彩更從歷劫拂銖衣
鷲然觸著無拘礙蕩蕩乾坤自在飛

白石詩爲琦公宗師賦

雪色雲根出翠微堅貞不與道心違塵空自比仙人鏡
路滑誰參佛祖機豈爲礪金希世用都緣韞玉發山輝
點頭默契生公法絕勝商歌歎短衣

寓東湖二靈寺

二靈古稱山水窟興來獨往亦一奇扣舷時聞小海唱
奪卷復觀長江詩月中聽鶴坐不寐煙外盟鷗歸每遲

桃花流水儻得路便應黃髮爲漁師

次義上人韻

冥棲九隴傍雲松茗盃熏鑪取次供月滿長空秋放鶴
雨昏大海晝降龍病中普施諸方食定裏長聞上界鐘
明哲古來多玩世不妨隨處舞三筇

再用前韻贈祖庭與上人

匡廬攬秀昔巢松水色山光左右供日下奇峯金作鳳
雲閒飛瀑玉爲龍撲簾空翠沾晴几拍枕寒濤隱暮鐘
從此胸中富三壑乾坤萬里一吟筇

丁鶴年集卷三

十一四明叢書

約園刊本

悼湖心寺壁東文上人

祇林一葉隕秋霜回首滄洲淚兩行凡上殘經塵已暗
篋中遺棄墨猶香髮迷圓澤三生石月冷維摩十笏房
想像情容何處記寒梅的的竹蒼蒼

山居詩呈諸道侶三首

一榻東軒迥絕緣寒巖枯木共忘年雖非悟道龐居士
豈是耽詩賈闕仙禪定儘教崖石坐法音都付澗湍傳
騰騰終日無他伎只辨飢餐與困眠

日日看山眼倍明更無一事可關情掃開積雪巖前坐

領取閒雲隴上行不共羽人談太易嬾從衲子話無生
翻然時發蘇門嘯遙答風聲及水聲
嬾散形骸不自持黃冠聊束鬢邊絲頻來猿鶴渾相識
久混龍蛇竟不知養拙最宜情澹薄全生深藉德支離
看雲本自忘飢渴況有冰泉與石芝

逃禪室解嘲

久慕陶公臥北窗還從馬祖吸西江埽愁那用千金帚
折幔惟瞻七寶幢日晏捲簾延曼嶂雨晴敲枕聽流淙
周妻何肉俱無累祇有詩魔老未降

丁鶴年集

卷三

十二四明叢書

約園刊本

寄鄭高士二首

閉門凝坐學長生七返還丹一息成野服春深裁白苧
山庖日午薦青精煙中鹿引朝真駕月下鸞隨度曲笙
卻笑秦人太癡絕樓船萬里訪蓬瀛

方瞳廣穎古先生氣秉先天獨混成辟穀齋房餐石髓
採苓幽澗役山精星辰夜動龍纏劍風露秋清鶴載笙
別後仙蹤杳難覓相思幾度夢登瀛

七言絕句

元旦與天淵長老雪中泛谿因而嘲及

不將柏葉圍鑪飲，卻爲梅花放棹看。
詩在灞橋驢子上，阿師空忍雪山寒。

迎大年椿上人，不值暮歸偶成。

東歸聞道已浮杯，力疾遙迎日幾回。
何處晚來成誤認，風簾竹影月窗梅。

題大年椿上人梅花

娟娟淨色雪消餘，翦翦寒香月上初。
杓格若教諸佛見，肯將薺蔔譬眞如。

寄龍門禪師二首

師自號補衲

丁鶴年集

卷三

十三四明叢書

約園刊本

上方樓閣闕煙霞，補衲重來歲月賒。
拄杖入門如隔世，依然翠竹對黃花。

靈山積雪赤城霞，咫尺東西路不賒。
破碎衲衣剛補就，不煩天女散天花。

題天師竹

琅玕仙節鬱蕭森，知受三天雨露深。
投老相求訪眞訣，獨騎龍杖度千岑。

鶴年方外集卷第三

鶴年續集卷第四

兵後還武昌所作

門人修江向誠編次

五言古詩

鄞江張孟善氏貌古性方好直言慕王陵汲黯之
爲人與俗多忤因扁其所居之室曰懸庵以自況
室傍別開小圃圃中無花卉蔬果之尤唯植藥數
畦以資鄰里之貧病者其友西域鶴年取古史苦
言藥也之遺意作懸夫治藥圃詩以貽之其詞曰
小圃不盈畝偪側背江郭種藥有懸夫庵居甘澆泊參

丁鶴年集卷四

一四明叢書

約園刊本

苓充服食杞菊成帷箔抱甕不辭勞荷鋤寧改樂平生
慕陵黯直道盡謬謬固知逆耳言卽是瞑眩藥世無狄
公寵誰收治民瘼何須持方柄齟齬納圓鑿余亦種瓜
人歲晏同盤礴

挺按元刻明刻柄俱作柄今改正

贈醫士樂孟傑

越人有至鑑明德以爲基視疾洞表裏談笑驅三尸神
聖不自居託人飲上池今人重勢利晝夜營己私心志
先盪惑仁術詎能推明哲有深戒弗治爲中醫樂也孝
廉士天錫仁壽資蚤歲失所怙長懷罔極悲力學岐黃

術百歲奉慈闈朱顏映華髮和氣春熙熙因推老老意
遂及親與知東鄰抱膏肓西里困瘡痍刀圭一入口沈
痼忽若遺樂也無德色賢聲日四馳越人久羽化緒言
百世師今古不二致樂也其勉之

梅林書屋爲四明陸秀才賦

陸郎好修士讀書梅屋下冰雪共清寒風月同灑灑彈
琴聊對花調鼎須待寶豈無松竹交歲晚爲三益

題畫二首

天連翠障開雨挾銀河瀉中有澹蕩人於焉結茅舍朝

丁鶴年集卷四

一一四明叢書

約園刊本

漁曲渚湄暮獵平林下危途策羸驂汨汨胡爲者

荒荒野日低漠漠江雲冷喬林延暮光澄波浴秋影高
人千載懷乾坤一漁艇

送赤土磯巡檢徐白任滿

人生天地閒忠孝理最大之子知所先秉之若珪玠小
試弓刀職長懷襁褓恩由來忠盡士多出孝義門便便
善辭令濟濟習容止忠孝苟不立締繡如犬豕諛子負
才氣玉立當青春一飯不遑暇志在君與親桓桓領壯
夫赫赫巡大邑鷗張悉就擒鼠竊亦屏息耕桑各按堵

老稚春風中瓜期忽已屆入謁蓬萊宮車騎輓莫畱別
我大江側臨歧欲贈言老病多慙德青雲賢路開俊乂
俱登庸自此躋臚仕毋忘孝與忠

題胡公鼎碧梧軒

威鳳出羽族乃爲王者瑞飛翔九千仞覽德斯一至和
鳴周室與來儀舜廷治高軒植碧梧萬一幸而致慨然
千載懷孰敢謂不智柰彼積石遙來往良不易先生人
中鳳文章五色備肯作朝陽鳴亦足瑞斯世

七言古詩

十錦年錄卷四

三四明藏書

約園刊本

贈相工

德祐忠臣好孫子爛爛目光巖電紫人閒富貴等浮雲
瑣瑣何煩挂脣齒灑灑瀕險蜀道難曳裾傍人多厚顏畱
取乾坤雙老眼夕陽牛背看青山

李孝子思親詩書揭祕監所撰李處士墓銘後

亭亭高岡松上有雙棲烏朝出營其巢暮歸哺其雛雌
雄和鳴尾畢逋巢成雛長烏雙俎月明夜靜雛影孤南
飛繞樹聲號呼西谿之澣南山之隅銜土爲墓口卒瘞
蓬萊老仙憫其慈孝俱錫以五色鳳凰羽徑寸曬龍珠

光芒晝夜燭墓廬哀衷旣慰情始舒振迅羽翩思天衢
故巢歲晚牖戶虛飄飄風雨無時無纏絲補葺良艱劬
君不見秦家桂樹空扶疏高枝卻使鴟梟居

奉寄武昌南山白雲老人

老人姓衛
字君執

故人家住南山下心與白雲共瀟灑芝草遙賡黃綺歌
蓮花近人宗雷社嗟予江海避風塵白首歸來失所親
青眼相看如昔日只有南山與故人

送蔡士廉舍人奔訃還四明

公家東海濱我昔共鄉縣今同寓鄂渚十年不一見公

丁鶴年集

卷四

四四明叢書

約園刊本

從藩府典禮儀入侍須早出每遲不將汎愛要鄉譽直
以孤忠結主知雪松貞操寒逾勁冰檠清聲老更馳

府中諸彥皆人傑政事文章稱二絕重公質樸古人風

平揖下堂腰磬折身名俱泰心獨悲甘旨親庭千里隔

一朝海鶴寄雲械阿翁已作蓬萊客仰觀喬木戰飄風

五內分崩面深墨我聞往弔始見公我足蹒跚公髮白

相看話舊重咨嗟少口風流那復得花明春泛越王湖

月皎秋尋賀公宅賞花弄月秋復春詩酒清狂多故人

直倚青年騎白日豈知碧水揚黃塵從此東西各星散

我憶同遊如夢幻秋風江上漫思鱸夜雨關河愁聽鴈
公當大事賜告歸片帆東下孤雲飛里中長老久相待
一見喜極還沾衣儻問題詩者誰子道卽遼東丁令威
送奉祠王良佐奔訃還郟城

郟爲禮義鄉自昔多名士佐也游夏徒力學能崛起三
冬文史富才華萬言入對

天王家騎蟾秋折廣寒桂走馬春看長安花承恩筮
仕御史府風生臺閣膺僉舉雅知嚴敬授祠官奉禮山
川來大楚祠官清暇日有餘焚香危坐讀父書門外

丁鶴年集卷四

五四明叢書

約園刊本

猶維桓典馬釜中屢出萊蕪魚嗟予老病衡茅下時人
棄置如土苴多公高義數相過茅塞心胸賴陶寫霜風
一夜吹庭闥椿萱並悴色養違再拜親王揮涕出千
里看雲匍匐歸佳城已卜牛眠地屏立泰山帶圍泗種
松畚土展孝誠傍水依山礪仁知知明仁熟政乃工終
喪還謁蓬萊宮致君堯舜付公等佇令四海回淳風五
風十雨年屢豐吾何幸爲田舍翁

送奚仲瑛進士服闋朝京

奚郎健筆凌高秋排雲直上蟾宮遊一枝丹桂許先折

歸來兩袖天香浮早年掄材服官政百里秋毫歸藻鏡
躬承天語佐夏官幕下清談烽燧靜家書忽報丁內
艱讀禮還依孔子山教育英才樂人樂一旦徵書到巖
壑鯤鵬從此徙南溟鳳凰仍舊巢阿閣

題王大使望雲思親圖

山人愛雲不離山巢居只在雲松間枕泉漱石弄明月
此心真與雲俱閒達官愛雲雲作侶平步青雲稱高舉
天瓢一滴慰蒼生大旱用汝爲霖雨王公出處與此二
者殊十年遊宦感離居衣上猶存慈母縷手中長把嚴
君書日日看雲不遑暇爲有吾親舍其下恨身不得逐
雲飛卻寫飛雲入圖畫公餘展翫凝心神見雲如見吾
雙親卷圖仍寄吾親舍永奉高堂長壽身狄公盛事王
公繼今古孝思同一致

紫芝山房

四明胡處士夢紫芝
生於別墅因置墓廬

先翁胸中有丘壑預築園亭向山郭清宵忽夢紫芝生
地靈獻瑞眞佳城只今諸孫仍肯構風交擘擘如芝秀
一門朱紫自此升始知吉夢爲休徵始知吉夢爲休徵
千載無慙下馬陵

五言律詩

題宋貢士袁庸死節傳後

四明人

始獲鄉闈薦俄驚國祚傾丹心回日馭赤手抗天兵自
可敦衰薄何煩校死生文山嘉傳在端合附高名

送定海許縣丞

代作

蛟門佐邑滿南去候庭闈雨露隨花綬雲霞避綵衣賢
聲今已著色養舊無違萬里滄溟月清秋作伴歸

送鄞縣鮑秀才

代作

貧病吾何有深慙鮑叔知可堪遲暮日翻值別離時霜

丁鶴年集卷四

七四明叢書

約園刊本

月榭烏府風雲浴鳳池壯遊如得意音問莫教遲

題葉處士湖山獨步圖

杖屨湖山外悠然與世違水邊延月上巖際待雲歸隨
鹿過樵徑看鷗到釣磯只今瞻畫像猶想挹清輝

慈谿歸隱爲馮子木大尹賦

薈隱慈谿上歸休足自怡木翻琴上曲山送畫中詩叢
菊秋容澹孤松畫景遲依然對猿鶴無媿北山移

題四明倪仲權處士小像

松閒新雨過清覽出亭皋雲逐青驄馬風生白芡袍幽

懷隨地遠詩興與秋高囊錦歸時重應知從者勞

介石齋爲四明倪克介賦

介石存中正能爲逸豫防彌金緣最勁攻玉豈徒剛貞
德南山配神機北斗當補天應有待五色爛文章

筠軒爲定海胡處士賦

種竹繞前楹年深勁節成薄雲通雨氣清夜動秋聲魚
豕空遺簡鸞凰台度笙往來三徑熟不負歲寒盟

漁村書隱

夜美藏修者爲漁住海鄉傍沙觀鳥迹臨水映螢光舟

丁鶴年集 卷四

八四明叢書

約園刊本

楫須經濟絲綸擬對揚得魚俱色養綵服日升堂

靜樂齋爲寧都鄧處士賦

寂寂幽棲地無營足自怡清泉流道脈白月淨詩脾每
到忘機處翻爲得意時豁然成猛省太極是吾師

勉濟國諸郎

濟國諸公子風標各擅場青陽生玉氣白月隱珠光閱
閱家聲重詩書世澤長直須同素志早爲繼遺芳

輓四明樂仲本先生二首

被誣冤
死京獄

斯人嗟已矣吾道轉銷沈文物超前古功名困至今空

山方泣玉同舍忽誣金白首號天處飛霜六月深
昔訪幽棲地論文十日還圖書花竹裏窗戶水雲閒一
別成千載孤魂隔萬山裏雞吾老矣東望涕長漣

輓繆將軍

大將捐公館哀音徹帝廷殞星芒角赤馭日簡編青禮
賻膺天眷佳城獲地靈唯餘馮異樹寂寞倚園亭

武昌南湖度夏

南浦幽棲地當門罨畫開青山入雲去白雨度湖來石
澗生龍氣川光媚蚌胎芙蓉三百頃何處看炎埃

丁鶴年集 卷四

九四明叢書

約園刊本

題奚仲英進士鶴山書堂

已爲蟾闕彥仍就鶴山居綵服晨供饌青藜夜照書寒
香三徑小清籟四窗虛仕學俱優日承明別有廬

送章彥端赴夔府太守

春雪徧林皋清寒襲緼袍題詩送賢守呵凍強揮毫別
思巴江永才名蜀嶺高文翁嘉政在化俗莫辭勞

送儒士柏堅赴會試

天子興文治春官策譽髦魚龍爭變化麟鳳並遊遨玉
殿紅雲合金門紫氣高臚傳稱第一宮柳映恩袍

五言排律

靜樂詩 并序

靜樂者章貢處士鄧翁之齋號也翁曰仙去其子尚忠尚信不忍死其親猶求士人詩文以詠其潛德予重二子之事死如事生也製五言排律十韻寄之以慰其孝思云

高人嗟逝矣靜樂尚求詩豈意無爲道翻成罔極悲二難勤繼述一默赴希夷飲水心逾潔看山意更遲傷烏營冢日弔鶴遺廬時霜露增新感煙霞遂宿期閉門春

丁鶴年集 卷四

十四明敬書

約園刊本

事去隱几午陰移未墜青雲志仍工白雪詞每憐司馬病深忝叔牙知慙媿無佳句緘題慰孝思

七言律詩

梅南老人讀易圖爲四明陸都事賦

畫省歸來謝縉紳傍梅觀易最清真孤根下應先天氣太極中含大地春傲睨乾坤雙老眼婆娑香影一吟身歲寒莫問調羹事且作耆英會裏人

題甬東故處士盛子暘方寸室以遺其子繼學

道義謀生本自然何煩負郭更求田由來方寸畱耕地

卽是虛靈不昧天春雨旣濡先澤遠秋風肯穫後昆賢
不忘種德辛勤意餘慶朝朝大有年

題故憲史徐子仁兄弟南湖漁隱遺卷

冰檠同聲想二難南湖寄傲水雲寬並投清憲飛霜簡
對把滄浪釣月竿蟻夢無憑應易斷鷗盟有待竟長寒
卷中名勝多親舊三復遺文一永歎

瑞萱堂爲慈谿孫原道兄弟賦

手種萱萱孝感深陽和隨見破窮陰侵凌雪色雙華萼
報答春輝寸草心疏翠近分書帶碧嬈黃遙映壽觴金
忘憂坐對高堂晚更聽塙篴奏好音

題四明董氏知歸庵

袞袞紅塵未息機斯人何事獨知歸青山不辨將來計
白髮徒嗟旣往非谷口雲霞隨葛屨沙頭魚鳥識荷衣
自慙潦倒江湖表猶對旌三賦式微

題九曲山房圖

夏母墓
廬也

九曲園亭結構牢畫圖誰爲重揮毫蛟蚪起陸巖巒秀
風雨號空樹木高五夜神光通嶽氣三秋明月薦谿毛
瀧岡墓表情何極手把柘捲淚滿袍

樊口隱居爲武昌李君玉賦

萬里雲霄斂翼回，挂冠高臥大江隈。
春深門巷先生柳，雪後園林處士梅。
翠擁樊山邀杖屨，綠浮漢水映樽罍。
誰能領取坡仙鶴，月下吹簫共往來。

異江草堂爲章貢鄧尙忠賦

異山環拱異波涵，瀟灑茅堂在蔚藍。
明月倒懸天上下，清風遠播地東南。
尋盟鷗鷺閒情適，坐鎮魚龍老氣酣。
最愛行藏兼吏隱，詩成應擬百花潭。

戲贈劉雲翁

丁鶴年集

卷四

十二四明叢書

約園刊本

千金不惜買新聲，贏得風流老更成。
銀甕葡萄浮臘蟻，金屏窈窕囀春鶯。
香凝寢榻開席花，暗閉房合度笙。
夜燕未終賓客醉，莫將明燭照華纓。

戲贈應修吉

硯谿居士神仙侶，短髮蕭蕭雪滿簪。
煖老恨無燕趙玉，養生賴有坎離金。
牀頭酒熟畱僧飲，席上詩成對客吟。
歲晚山空誰是伴，北窗梅月最知心。

題長江萬里圖

右逾越嶽左蓬壺，萬里提封入壯圖。
斷石屯雲山擁蜀，

驚濤雪立海吞吳，蟠桃有實來青鳥。若木無枝駐赤烏。
秦漢經營人盡去，獨畱形勝在寰區。

延按明刻屯
雲二字乙轉

錢塘懷古

錢塘佳麗冠南州，故國繁華逐水流。龍虎已消王霸氣，
江山空鎖古今愁。吳臣廟冷潮喧夜，宋主陵荒塔倚秋。
最是西湖歌舞地，數聲漁笛散鳧鷗。

重到西湖

湧金風月昔追歡，一旦狂歌變永歎。錦繡湖山兵氣合，
金銀樓閣劫灰寒。雪晴林墅梅何在，霜冷蘇隄柳自殘。
欲買畫船尋舊約，荒煙野水浩漫漫。

于鶴年集卷四

十三四明叢書

約園刊本

題簡翁水光林影圖

知是平泉是剡川，水光林影共悠然。薜蘿涼映紛紛月，
蘋藻清涵湛湛天。微颺翠旗龍夭矯，倒開金鏡鳳翩翻。
此中真趣誰能辨，吏隱雲間一散仙。

水光山色齋爲張勉夫賦

勉夫前朝
搢紳也

新構茅齋絕世紛，水光山色喜平分。四窗涼湧玻璃月，
一榻晴封紫翠雲。鳥度畫屏迷遠黛，魚吹清鏡動圓紋。
往來半是漁樵侶，閒話興亡坐夕曛。

假館武當宮承舒庵贈詩次韻奉謝二首

一歸琳館卽逍遙無復驅馳混市囂
載酒每承文士過鬪茶頻赴羽人邀
三清風露從天下五色雲霞匝地飄
匡坐不眠神益王靜聽笙鶴度中宵

去天尺五去人遙地位清高隔世囂
祕閣校書多考索初筵設醴重招邀
每看賦雪才無敵便覺凌雲氣欲飄
枉騎敢煩臨暑夕擎舟或可候寒宵

公約來就楮時六月也

次出翁中秋詩韻

西風黃鶴舊磯頭皓月中分此夕秋
烏鵲無依頻繞樹

丁鶴年集卷四

十四四明樓書

約園刊本

魚龍有喜競乘流煙雲盡捲天逾大
河漢低垂地欲浮擬買桂花陪勝賞
老來佳句恐難酬

再用前韻

次年中秋翁在史館僕留鄂者悠然興懷復用前韻以寄

庾公樓上鄂城頭乘月今爲第幾秋
大地長天俱並照明河晦海各分流
寒光下瀉方諸溢顯氣高騰沆漭浮
不見故人吳季子百年清興若爲酬

送奉祠康仲謙致仕還陝西

大國祠官致仕歸秋風祖帳足光輝
青松黃菊先廬在白髮蒼顏故老稀
久奉山川諳祀典遠迎鄉黨識

朝衣家居重念 君恩厚目送南來一鴈飛

送貝惟學武昌省親復還吳淞

黃鶴磯頭捲雪濤孝廉舟穩載時髦故廬先壟歸心切
慈母難兄別思勞千里尊羹宜具饌三秋菊酒稱題糕
到家正及登高會瀟灑誰同白苧袍

送人使高麗

文物中朝宰相家聯芳五桂至今誇百年重喜孫枝盛
萬里遙瞻使節華陽谷宵分賓日馭天河秋早候星槎
朝鮮自昔知才辨佇見勳名被邇遐

丁鶴年集

卷四

五十四明叢書

約園刊本

秋素軒爲涂以諒賦

新涼夜透讀書帷瀟灑軒居素景宜黃菊有香風瑟瑟
白蓮無質月遲遲垂綸水檻沙鷗狎步屨柴門野鶴隨
除卻天光與雲影更無一物在襟期

次韻陸伯陽梅花詩

小車厭看洛陽花夢想林逋處士家十里湖山春淺淡
一枝雪月夜橫斜孤高不受金尊賞清冷無煩錦帳遮
今日重吟香影裏百年風致未爲賒

輓衛知事胡公鼎二首

江海論交四十年故家文物羨君賢
燈前夜雨書連屋
花下春風酒滿船
舍瑟肯居曾點後
著鞭寧讓祖生先
他鄉重會清歡極
俄送輶車一泫然

自構幽軒倚碧梧
琴樽時復集名儒
一官迢遞來黃鶴
五夜悲涼夢白駒
盛有良籌遺細柳
可無高義致生芻
孤兒扶柩歸程遠
啼殺林閒返哺烏

輓故豫章義士吳復原

挺生英傑百夫防
高義孤忠少頡頏
艱食屢分圖其濟
危城百戰誓同亡
延津劒去秋無氣
合浦珠還夜有光

丁鶴年集

卷四

去四明叢書

約園刊本

三復園亭新墓表哀榮寧獨在隴阿

輓吳公佑祭酒母劉夫人二首

淑容玉潤氣冰清
擗對仍歸閒世英
四德遠從麟趾化
九苞親見鳳毛成
正當愛日調珍鼎
遽爾乘雲上玉京
回首仙蹤無覓處
雙峯雨露倍傷情

母儀婦道重當今
其說夫人獨苦心
教子遂成雙白璧
救夫不惜萬黃金
家庭遺愛畱名郡

父嘗爲興國監郡

阡表新

銘出翰林每遇良辰增孝感
板輿閒卻在花陰

題吳公祐祭酒雙峯雨露亭

春到先塋雨露饒思亭新構報劬勞碧涵一水吞天闊
玉立雙峯拔地高每想音容增怵惕還因精氣感熏蒿
通家三世深恩在把筆題詩淚滿袍

輓謝伯昇母王安人

蘭蕙爲心玉作姿閨門彝範後人師齊眉致敬過賓禮
和膽資勤冠母儀歲晚靈椿聯奕葉春深文梓長孫枝
正當琴瑟偕娛老豈意栢捲感孝思

武餘清樂爲致仕尹將軍賦

汗馬功成卽引年登山臨水小遊仙印紋久祕微生綠

于鶴年集

卷四

十七四明叢書

納園刊本

字韻新成盡入玄深造煙霞靈運屐嘯歌風月鄂君船
貽謀尙有孫吳略膝下時時課一篇

紫閣山房爲史仲魚賦

太華諸峯紫閣奇結茅應不負幽期遠分空翠來函谷
靜寫修蛾入漢陂紅日屋頭臨照近白雲窗外卷舒遲
曳裾自到金門下猿鶴無時惱夢思

送長史管公時敏朝京

黃鶴樓前畫舫開送車千輛動浮埃楚人獨數蘇從諫
齊士誰過管仲才報政每隨鸞鷲入覽輝重見鳳凰來

君心江漢同東注一一敷陳對玉臺

次向士誠韻

士誠爲子築行窩于寓舍以詩見意次韻奉謝云

道究先天太乙初金門大隱復誰如已承丹篆三天籙
還讀青藜午夜書華表忽歸遼海鶴仙庖頻食武昌魚
行窩處處春風裏擬辦堯夫洛下車

得亡友郭至善醫士哀問

不知大夢赴華胥猶向來人問起居藥圃春深餘故植
芸窗日永列遺書猶憐宿草迷荒冢安得生芻致倚廬
咫尺無由親執紼深慙千里巨卿車

丁鶴年集

卷四

支四明叢書

一約園刊本

俊骨英才孰與儔華星明月照清秋重傷賈誼年猶少
深慟顏淵德最優過墓自當畱寶劍濟河誰復共仙舟
極知修短俱天命老淚無端似水流

寄題□□黃子中橋亭八景

橋亭風景洞天如中有僑仙舊隱廬春漲投藍涵蟬竦

豐陂春漲
有石梁長橋

內

曉嵐滴翠溼芙蓉

龍源朝嵐
有長山峻嶺

內受詩

華燼浮丘館

中華翠巖
有浮丘伯仙宇

峯頭

說劍香鑪許令居
香爐
紫煙

峯頭有許
旌陽仙居

雲外懸崖飛屐上

天寶

雨中沃壤帶經鋤

田東
暮雨

疏鐘鯨吼霜華重

聖容
僧鐘

長笛龍吟月色虛

雲源
仙笛老

我塵寰懷勝境追遊早晚命中車

五言絕句

題赤壁圖

橫槊英聲遠聞簫逸興長至今風月夜鶴夢繞黃岡

題謝安觀山圖

欲爲蒼生起神州未可還籌思保江表安若會稽山

長谿獨釣圖爲舒庵賦

谿土釣秋風心隨谿水東後車今日載何待兆非熊

題鄭高士畫竹

丁鶴年集 卷四

十九四明叢書

約園刊本

鄭君高節士瀟灑絕人羣獨把青鸞尾山窗掃白雲

梅竹畫爲郭志善題

姑射下天壇天空鬢影寒雪深歸路迴獨自跨青鸞

題幽翁先生梅蘭二首

老向江南住梅花共歲寒故人清興在踏雪幾回看

湘皋風日美芳草不勝春欲采紉爲佩慙非楚蓋臣

畫茶爲馬上舍題

蔬畦新雨過小摘稱居貧若入君王夢瓊林第一人

畫菘菜

老圃青青甲平生味飽諳本無食肉相豈是厭肥甘
畫蘿蔔

高氏賢兄弟常將備夕餐如何清列士今作畫圖看

畫竹

拂素寫晴窗亭亭玉一雙蒼龍雷喚醒風雨徧湘江

畫枯木竹石

青天騰一蛟白石臥雙虎何人歌竹枝遙隔瀟湘浦

題畫二首

遠水吞天碧危峯拔地青何由雲樹底揮麈坐茅亭

丁鶴年集 卷四

二十四明叢書

笥園刊本

翠黛浮晴漢虬枝立暝煙回舟不用楫江上水吞天

靜樂詩爲修江向士誠賦

清心如山水一月印當中誰道芭蕉雨瀟瀟解惱公

七言絕句

選按元本空行
今補此四字

題畫

九疊雲峯面面同穀紋波起鯉魚風谿頭艇子林間屋
來往能無避俗翁

題會稽王冕翁畫梅

永和筆陣在山陰家法惟君悟最深寫得梅花兼二妙

右軍風致廣平心

紅梅

姑射仙人煉玉砂丹光晴貫洞中霞無端半夜東風起
吹作江南第一花

紅梅翠竹

瓊仙服盡紫金丹不識人間有歲寒一笑荒村春似海
滿天風雪跨青鸞

水仙二首

湘雲冉冉月依依翠袖霓裳作隊歸怪底香風吹不斷

丁鶴年集 卷四

王四明叢書
約副刊本

水晶宮裏宴江妃

影娥池上晚涼多羅襪生塵水不波一夜碧雲凝作夢
醒來無奈月明何

竹枝詞二首

竹雞啼處一聲聲山雨來時郎欲行蜀天恰似離人眼
十日都無一日晴

水上摘蓮青的的泥中采藕白纖纖卻笑同根不同味
運心清苦藕芽甜

題定海樂節婦劉氏沿江泣尋夫屍卷

怨入江雲結畫陰潮痕清淺淚痕深白頭重見黃泉下
方盡寒鐙一寸心

題淞江梧桐鄉鳴鳳里朱節婦卷

手植梧桐不憚勞朝陽鳴鳳一來邀花棲未穩翻然逝
慰眼惟遺五色毛

重到戴玄學齋居

憶坐詩壇棹酒船花枝旖旎月嬋娟一從鳧舄朝天去
月夕花朝兩惘然

題竹閒翁白馬圖

丁鶴年集 卷四

三四明叢書

約園刊本

誰識驂驪汗血中靜圍積雪動生風一從選入天閑內
不覺人閒萬馬空

題唐申王三駿圖

三駿英英出渥洼太平芻粟飽天家誰知大將平河北
百戰功歸獅子花

戲題明皇照夜白圖

天上麒麟天下稀月中幾送八姨歸君王寓目應追悔
誤看乘鸞度羽衣

題劉伯昇所藏蘭亭

右軍高致極清真盛築蘭亭詠暮春文彩風流那復見
摩挲遺墨想丰神

題水竹居卷

夜夢青鸞浴鳳池曉來水竹索題詩浣花吏隱無人繼
老我風塵寫媿辭

武昌南湖度夏

湖山新雨洗炎埃萬朵青蓮鏡裏開日暮菱歌動南浦
女郎雙槳盪舟來

紅蓮白藕詞二首

丁巳年集 卷四

三十四明篋書

約園刊本

紅蓮白藕兩相宜欲採臨流意轉遲蓮子縱甜心獨苦
藕芽雖美腹多絲

採蓮採藕湖水溥阿儂踏歌郎賞音多虛少實如郎意
外甜內苦似儂心

送蔡用嚴還四明二首

四明故舊苦無多死別生離奈若何老淚暗添江漢水
隨人去作海東波

迢迢海國接江鄉一度懷人一斷腸正值西風搖落際
可堪重送蔡中郎

寄四明諸友

海上歸期苦恨遲
歸心日與海爭馳
故人有待吾衰矣
一寸寒灰萬縷絲

寄武昌巖靜山

出門便有好湖山
對酒當歌莫暫閒
不請自來爾卻去
無情白髮與朱顏

次舒庵見訪韻

退食從容馬首東
夕陽斜映柳營紅
埽門將帥遙相待
卻訝寒齋訪禿翁

丁鶴年集卷四

西四明巖靜書

約園刊本

哭四明宋廷臣推官

甬東郭外爲鄰住
湖北城中值宦遊
直擬千回同一日
那知一別竟千秋

廷按元本此處有題水竹居卷一首與本卷廿三頁所載同惟浣字作菡因係重出故刪

吉雅謨丁字元德至正間進士浙東元帥

鶴年兄也

題浙東廉訪知事楊仲儒先生死節卷

危城經百戰幕下得真儒冰燄存孤操風雲入壯圖奇
功方破敵大節竟捐軀凜凜餘生氣千秋激懦夫

題天童寺朝元閣

海內兵塵已千年上方鐘鼓獨依然史臣錫號承

天寵中使函香出

御筵山列九龍蟠紫翠樓開五鳳出雲煙籃輿亦有登

山約擬聽松風借榻眠

丁鶴年集附錄

一四明叢書
約圖刊本

贈陳章甫

三十年前鬢未蒼曾陪宰相入鵷行解衣換酒尋常醉
躍馬看花取次忙亂後已非前日夢老來那復少年狂
黃冠野服新裝束穩把長竿釣海鄉

省秋過鶴年書館夜話

弟兄惟我老宗族有君知萬里常爲客百年能幾時秋
清妨熟寐夜靜話貞期明日恩恩別還生兩地思

假日燕集呈席間諸老

半生辛苦獨天知十載鄉關入夢思作郡正逢多事日

揮毫不及少年時青衫有淚多如雨白髮無情亂若絲
今日一樽諸老共臨風不醉復何辭

一 癸年集 附錄

二 四明叢書
約圖刊本

曼理沙字允中至正開進士翰林應奉

鶴年兄也

題戴叔能先生九靈山房圖

山房乃先生讀書處也時先生避地四明

次

夢裏家山十載違丹青咫尺是耶非墨池新水春還滿
書閣浮雲晚更飛張翰見機先引去管寧避亂久忘歸
人生若解幽棲意處處林丘有蕨薇

題餘姚葉敬常州判海隄遺卷

潮汐東來勢蹴天一隄橫捍萬家全陵遷谷變人誰在
海宴河清事獨賢曉日山川神禹迹秋風禾黍有虞田

丁鶴年集附錄

三四明叢書

續編刊本

河渠他日書成績應並宣房與代傳

題東湖古鼎銘長老鍾秀閣

檻外澄湖平不流窗閒疊嶂屹將浮煙霞五色錦屏曉
風月雙清瑤鏡秋蘆菊濃香吹法席芙蓉涼影蕩仙舟
結巢擬傍雲松住回首朝簪媿未收

樊川吳惟善 鶴年表兄也

寄武昌諸友

黃鶴山前漢水濱一時英俊總能文
金釵佐酒年俱少銀燭鈔書夜每分
雁杳魚沈勞遠思狼貪羊很絕前聞
兵戈故國知誰在目斷西南日暮雲

寄東海鶴年

鶴皋東望接三山海上羣仙日扣關
虎守月鑪丹鍊就龍吟霜匣劔飛還
故園松菊餘三徑老屋煙霞恰半間
爲問林泉逃世者如公今有幾人閒

丁鶴年集 附錄

四明叢書
約稿刊本

題扇寄友

拾得瀛洲月一輪冰紈初翦瑩無塵
提攜不用深相憶滿屋清風卽故人

小遊仙二首

桂殿瓊宮露氣清吹簫者是董雙成
無端又作人間夢風雨蕭蕭雞亂鳴

河漢無聲海月寒長鯨吸浪洞庭乾
一聲鐵笛風雲動人在危樓第幾欄

太學生戴習錄其師鶴年先生詩曰海巢集者請題其
後鶴年予友也其詩忠義慷慨有騷雅之遺意焉昔唐
之僧有讀其友盧仝之詩者曰鯨吞海水盡露出珊瑚
枝海神知貴不知價畱與人閒光照夜吾讀海巢集亦
云生其寶之生其寶之虎丘澹居老人至仁書

此元刻元人丁鶴年詩余友顧澗菴歲試玉峯時所收而以之歸余者也余向藏正統重刊本止三卷今元本分四集一曰海巢集二曰哀思集三曰方外集四曰續集以附錄終焉嘗取與明刻校勘分卷分體俱非其舊卽如海巢一詩元刻在卷一或以是名集職是之故明刻列諸卷二中失其旨矣他如哀思已下三卷皆有取意而後之稱者僅據至仁一序悉以海巢名之有是理乎得此可證廬山面目益歎元本之不致淪沒者幾希爰付裝池俾得附翼不壞與元

丁鶴年集 後跋

一四明叢書
約圖刊本

刻諸名公集同什襲藏之較嚮之塵埋故紙堆中其顯晦爲何如耶伯樂一過冀北之野而馬羣遂空此書之於澗菴吾亦云然嘉慶己未孟夏五日書於士禮居棘人黃丕烈

卷端五言古詩採遵曲第三首已下闕文久無從補迄今辛巳時越二十三年矣始見沈寶硯徵君手錄殘本依樣補之昔義門何學士補宋刻後印本許丁卯集得毛豹孫影寫本足之謂非不知妄作茲余之補今集而得沈寫本不猶守此義邪喜而書此道光

紀元秋九月望日復見心翁坐雨縣橋之學耕堂燒
燭識

丁鶴年集後跋

二四明叢書
約園刊本

丁鶴年集校譌識

余幼學作試帖詩賦北窗梅月最知心題得二句云無
言宵弄笛有約石眠琴高文鐵珊見而賞之惜題句無
出處檢查佩文韻府乃在摘句中繼閱元詩選知係鶴
年句余隨欲覓其專集攷

四庫全書止有一卷藝海珠塵收有三卷浙江採遺書
目亦然惟愛日精廬有元刻四卷之本訪諸虞山書友
鮑芳谷知售去久矣閱六年金順甫自山塘汪氏攜三
卷之本歸余爲明正統刊本黃蕘圃先生以元本校於

丁鶴年集 識

一四明叢書
約國刊本

上下方余循次鈔之無如次敍淆亂批校模糊正欲再
覓善本芳谷適得張氏影元鈔本贈余與元刻惟妙惟
肖每半頁上行
行廿一字因歎前則數年不獲今且兩本並儲文
字因緣若由前定也急公之於世其有明刻優於元刻
者不敢毅然更改但於本詩下注云案某字明刻作某
庶不失元刻真本云咸豐三年五月仁和胡珽識

四明叢書

四明叢書
約園刊本

四明叢書

四明叢書
約園刊本